

مطبعه و محل اداره :

جغال اوغلنده امنيت
صندوغى جوارنده
شنكول يقوشنده
۲۵ نومرو

مشرق و غرب

۱۳۲۶

مسلکمه موافق آثار
جدیده مع الممنونه
قبول اولنور

درج ایدلهین آثار اعاده اولنماز

دیر ، فلسفه ، علوم ، حقوق ، ادبیات تاریخ ، سیاست و احوال و مشوره اسلامیه بحث ایدر و هفته ده بر نشر اولنور .

آبونه بدلی

صاحب و مؤسسلری :

در سعادتده نسخه سی ۵۰ پاره در

ابوالعلا زین العابدین - ح . اشرف ادیب
تاریخ تأسیسی

قیرله دن مقوا بورو ایله کوندریلیرسه سنوی
۲۰ غروش فضله آلنیر

۱۰ تموز ۳۲۴

سنه لکی	القی آیلانی	غروش
ممالک عثمانیه ایچون	۶۵	۳۵
روسیه	۶۵	۳۰۵
سائر ممالک اجنبیه	۱۷	۹

آلتیجی جلد

۸ شعبال الماظم ۱۳۲۹ پنجشنبه ۲۱ تموز ۱۳۲۷

عدد : ۱۵۲

سیارک قسم مهمی اصحاب کرام میاننده و قسم دیگر لری ده تابعین و تبع تابعین آردسند کوریلورلر : عبدالرحمن بن عوف ، ابی بن کعب ، عبدالله بن مسعود ، معاذ بن جبل ، عمار بن یاسر ، حذیفه ، زید بن ثابت ، ابوموسی الاشعری ، ابوالدرداء ، قاسم ، عروه ، خارجه ، عبدالله وائمه اربعه دن امام مالک ، امام اعظم ، امام احمد بن حنبل ، امام شافعی ، امام ابویوسف ، امام محمد ، سفیان ثوری ، زفر بن هزیل ، حسن بن زیاد بن سماعه ، ابومطیع ، قاضی عافیه ، حسن بصری ، ابراهیم حلبی ، محمد بن شهاب الزهیری ، برهان الدین کبی ذوات ایله فقهایی شافعیه دن ابوالحق شیرازی ، مالکیه دن یحیی ، محمد المواز ، محمد عتی ، ابو مروان السلیم ، ابو عبدالله محمد بن ابراهیم ، ابن یونس سقلیوی ، ابو عبدالله محمد بن علی بن عمر المزری کبی ذوات بو بیوک سیالردندر . فقهایی عظام حقنده دها زیاده تفصیلاته کیرشمک پروغرا غمز خار جنده اولدینندن ، بو قدرله اکتفا ایده یورز .

مدلی اعدادیسی مدبری

م . شمس الدین

مدنیت اسلامیة دن بر صحیفه

یاخود

نسر نواره

نسوانک استتار واحتجابی امر الهمیسنده کی حکمتک علوتنه بر دلیل دیگر اولق اوزره شو :

« القواعد من النساء اللاتی لایرجون نکاحاً فلیس علیهن جناح ان یضعن ثیابهن غیر متبرجات بزینة » :

— سورة جلیله نور —

آیه جلیله نک معنای حکیمنی تأمل ایدلم ! بو نظم ازل بو یوریلور ، که [قادیلردن زوجه لک موسمی ، دوغور مق جاغنی تمامیه آتلاش ، قادیلغه وداع ایتش ، سن پیرییه واصل اولمشلر ایچین ثیابلری یعنی : جارلری آتمقده ، غیر مستر اوله رق سوقاغه چیقمقده — فقط زینتلری تبرج و اظهار ایتماک شرطیه — اتم ووبال یوقدر .] ای تستری قادیلر ایچین بر اسارت ، بر ذلت ، بر حقارت عد ایدنلر نه دیرلر ؟ بو آیه جلیله قارشیسنده ذره قدر یوزلری قیزارماز ، دیلاری دولاشمازی ؟

ایشته ایشته : قرآن حکیم قادیلرک (جار) سزده سوقاغه چیقمه لرینه مساعده بو یوریلور ، فقط نوبهار شبانه ، طراوت جماله ، ابتسام حسن و آنه وداع ایتدیکدن ؛ بل بو کولودکن ، یوزی بوروشدقن صوکر ! شاب و کهول هرکسک نظرنده واجب الاحترام بر مادر وجدان ، بر والده ناموس ! الاری قدید ومرتعش ! سیاسی حزن انکیز بر لوحه هرم ! ارتق بویله بر وجوده سوء نظرله باقه حق بر انسان ، بر وجدان تصور اولونیرمی ؟ بو هفتاد وهشتاد ساله وجوده عاقل وجدانلر — نظر شهوتله

دکل — چشم عبرتله باقارلر !

او تابوته ، مقبره حاضر لائش اولان موت ذی حیاتی بو قنا علمنه صوک نظر وداعی عطف ایتک ، بر قاج کونه قدر او فرسز کوزلری بسبتون یومق اوزره چیقدیغنی ، کونک برنده کندیسکده اولان یازم حکم قاهره تسلیم عنانه محکوم اولدیغنی دوشونیرده بوتون انفعالات واحترافات بشریه سی — بر آن ایچین اولسون ! — بر صرعه عبرت ایله چکملری کیتله نیر ؛ او کابوس انفعالات واحترافات التمه بی تاب قالان روح انسانیتی سیلکینیر ؛ بر از نفس آلیر ! یاز کندین دوشونمکه فرصت بولور !

صانکه هاتف ازل بو آخرت یولچیسنه [نقابکی جلبابکی آت ! آت ! آتیق اوله رق میدانه چیق ! بشریتک طوفان شبانی ایچنده ، امواج شهواتی آراسنده او یومقده اولان بی خبرلر سنی کورس-ونلر کورسونلرده او خواب لاقیدینک نه مدھش بر صباح انتباهی اولدیغنی کوزلری نوکنده تجسم ایتسین !] دیور و بونک ایچین مساعده ایدیور . اوله یا ! بو مساعده الهیه بر حکمتدر . بو حکمت ده ییزه بر درس عبرتدر .

جناب قرآنک بو آیه جلیله یه :

« وان یستغفن خیر لهن والله سمیع عالم »

جمله حکیمیه سیله ختام ویرمی ناموس انسانیت اوزرینه عرش اعلا ی اسلامیتن تیرمین عقول سلیمه وقلوب زیهیه نه قدر استراحت بخش بر عنایت السیه در .

[ثنوت : او نسوان هرم دیدلره غیر مستره اولدقلری حالده چیقمه لرینه اذن ویردک . مع مافیه آنلرک تستری ترجیح ایله استغفاف ایتلری کندیلری ایچین دهها خیرلیدر . الله : انلرک ارککار ایله سویلشدکلری — کیزلی آشکاره — سوزلرک هپسینی ایشیدیر و بوتون نیات ومقاصد روحیه ونفسیه لرینی بیلیر .]

تکشیف مانع اولان احوال شبانک زوالی جهتیله ممنوعک عودتنه مساعده بو یوریلور . بو فتاوی عوامدر . یعنی : عمومه رخصتدر . فقط بونک فوقنده بر عزیمت واردر ، که او خواص عقولک شان علوتیدر . نته کیم حال سفرده صیامک — حال حضر واقامته عودته قدر موقناً — عقو بو یورلدینی حالده « وان تصوموا خیرلکم ، ان کنتم تعلمون »

— سورة جلیله بقره —

[یولجولنک بوتون مشاق ومتاعبه رغماً اوروجی — او وقت مبارکنده ، اودم فیوضات شارنده — ادا ایتکمز سزک ایچین — قضاء مافاتدن — البته دهها خیرلیدر . اگر صیامک مادی معنوی فضائل بی نهایتی ، مزایای لاتحصاسنی بیلور وتقدير ایدیورسه کز عزیمتی رخصته ترجیح ، نفسکیزک اختیارینی اختیار حقه فدا ایدرسکیز !]

بی پایان بر دریای حقیقت اولان دستور فقهامز « سن هر مه واصل اولمش عجائز نسوانک رجال ایله مصافحه سی لابسدر . فتاوی هدیه : جلد ۵ ص ۳۲۹ دیور . مع مافیه عندالفتوی کوزلجه تأملی تنبیه ایدیور .

سلامت عقلدن ، نظر حکمتدن نصیبه دار اولیانلر دوشدیکلری درك اسفل سافلین مادیت و حیوانیتک فوقه : سریر احسن تقویم انسانیتیه حقیقه مازلرده اشاغیدن یوقاری سنک انداز تعریض اولوب دورلر ! اوروپا مدنیت حیوانیه سی اسلامیتده تستر نسوانی وحشتله ، ذلت واسارتله تلقی ایدرسه معذوردرد . ییز ؛ انسانیز ؛ حیوان دکلیز . انسان باشقا ... حیوان باشقا !

اونک ؛ عقورانه ، مفترسانه ، سباعانه هجومی اساساً اسلامیتهدر ! قصدی مهر توحیدی سوندیرمک ، جهان انسانیتی کثیف بر ظلام مدنیتیه (؟) بوغمقدرد . « یریدون لیطفؤا نورالله بافواهم والله متم نوره ولو کره الکافرون »

— سورة جلیله صف —

[آنلر مهر منیر اسلامیتی سوندیرمک ایچین بوتون قوتلریله چالیشیورلر ؛ پوف .. پوف !... دییه آغیزلری ییرتیورلر ! جکرلری پارالایورلر ! حالبو ، که الله کافرلرک زفیر کراحتلرینه ، شهبیق طعن وتشنیعلرینه رغماً — نوری — بوتون ابعاد کائناته نشر واعمیم ایله — اتمام ایتمکده !]

کی شود دریا ز پوزسک نجس
کی شود خورشید از پوف منطمس
هر که بر شمع خدا آرد پوفو
شمع کی میرد بسوزد پوز او
چون تو خفاشان بسی بینند خواب
کین جهان ماند یتیم از آفتاب

— منوی شریف —

اوروپا مدنیتی تعدد ازواجی ، بیر چوجغک اون بابایه مالک اولمسی خوشنه کیدرده ؟! اسلامیتده تعدد زوجاته ، بیر پدرک اون اولادینه دیشارینی صیریتیر ! چونکه اسلاملرک ، حقیقی انسانلرک چوغالمسنی ، قوت وشوکت اسلامیه نک تزايد و تعالیسنی کندی اجلی ، کندی ثلومی کی تلقی ایدرده قورقوسندن ثودی قویار !

تعدد ازدواجه کوزیومان بوناموسلی (؟؟؟) مدنیتک قرون وسطا ادبای صلیبیه سندن اسلامیه فرط عداوت و خصومتیه بین الامثال نه ممتاز بر موقع شرف (؟) احراز ایتمش اولان (پهرون - Perron) شو :

et que . x . femme ait un hons et . x . marie ait une femme sans nul péché et sans nul blame dont jamais doit être reprise

قونت هازی : « l'Islam » ص : ۱۰۷ هذیان وقاحت کسترانه سنه

نه دیملی ! ؟

اسلامیت تعدد ازواجهده قائلمی ؟ تعدد ازواج ک بو قدر شنیع ، بو درجه منفور و مستکرمه اولدیغنی اعتراف ایدنلرک آنی کندیلری ارتکاب ایدرکن اسلامیه اوملعون یوز قاراسینی فیلا تملری نه قدر ایکننج بر آلاقلقدر ! ایشه اوروپا مدنیتک وجدانی ! عقل و ازغانی ! بن ، (پهرون) ک بو عووه عقورانه سنی ایشیتدیکم وقت نه قدر

شریعت مقدسه احمدیه نه قدر علوی بر قانون حکمتدر ! حقایق اشیا واسرار شئون حادثاتی نه قدر نافذ بر نظر اعجاز ایله تدقیق ایدر ! ویردیکی اک کوچوک بر حکم ، نه قدر بویوک بر حکمتدر ! هیئت اجتماعیه اسلامیه نک ؛ بوتون شمول معناسیله سعادت حیاتی ذره قدر اخلاص ایده جک اک عادی ، اک اهمیتسز بر حادثه اجتماعیه نک ایجاد و ایقاعی اسبابنه قارشو عقل سلیمک پرستش ایده جکی نه حکیمانه نه کرامت پرورانه تدبیرلر کوستیرر ! مخدراتمزدن تسترک — فرض محال اوله رق ! — رفی عادتاً اسلامیتک ییزه وداعی دیمک اولور ! نه مدهش ، نه هول انکیز فلاکت عظما !!

کورمزیمیز : ختان ؛ — معنای شرعیسیله — سنت ایکن بوتون عالم اسلام نظرنده نه قدر بویوک ، نه قدر مقدس بر نشانه اسلامیت اولمق اوزره تلقی اولونیور !

اسلامیتک محیط مدنیتی ایچنده سنتسز بر مسلمان تصور اولنه بیلیرمی ؟ بر میدان حربده شهدای اسلامی مقتولین اعدادن سچوب آیرد ایدن سنت دکلی ؟ شاید آرالرنده سنتسز بر مسلمان بولونیورسه جزاسنی — دشمن ثولولربنک رفاقتنه ترک اولونمق صورتیه — نه قدر آغیر چکر !

بر وقت بو قیلدن بیرى نهولنشیدی ده زوجهمسی کمال نفرتله رد ایدرک بکارتیه قاجوب کیتمشدی . سببی صورولنجه ه الله اسیرکسین ! او مسلمان دکلیش ، که ... ! سنتسز ؟! جوابی ویرمشدی . سنت حقنده کی اعتقاد عمومینک بو درجه بالا ترینه باقیلسین ! بی نمازلق ، عشرت — نظر شریعتده کی حرمتی انکار اولندججه — کفر صایلمازده نه فرض نه ده واجب اولیان ختانه کی کفر عد اولونیز و « مسلمان دکلیش ، که ... ! » دیدیرتیر . ختان ، سنت ایکن موقع شرعیسنی واجب حتی فرضک فوقنده کوسترمسندن کی حکمت نه در ؟ ایمان ایله کفرک بیننده فصل الخطاب اولمق مزیتنی حائر اولسیدر .

ایشته : بر مقتولک اسلامیتی — او دقیقه تمیز و تفریقده — نه واجب نه ده فرض کلوب اثبات ایده بیلور . اوزرنده کی نشانه سنت « بو مسلماندر ! » دییه شهادت ایدیور . شهادتی ده کمال امنیت و اطمینان ایله قبول اولونیور .

ایشته : تستر نسوانده بو حکم وقوتی حائر .

باخصوص بو ؛ سنتده دکل ، فرضدر . سواقده مسلمه ایله غیر مسلمه نک یینی تفریق ایدن او نقاب عصمت ، او جلباب عفتدر .

قادینلق ؛ وجود انسانیتک قسم مستورینی تشکیل ایتمشدر . لسان شریعتده قادینه « تپه دن طرناغه قدر عورتدر . » حکمی ویریلیمسی ده بو حکمت خلقه مبنیدر .

نظر حکیم ؛ قادینک غیر مستوره اوله رق سواقده حقیقمسینی عینله بر انسانک عریان اوله رق انظار ناسده کورونمسیله مساوی طوتار .

عقل سلیم ، بوکا حکمده هیچده تردد ایتمز .

نفرت ، نه قدر استکراه ایتدیمسه او قدرده طبیعی بولدم . بکا و جدانم دیدی ، که : « پهررونه هیچده قیزمه ! بو ، بیرفاحشه نك ، ناموسلی برقادینه اسناد فحش وزنا ایتمی قیاندندر ! »

زمان جاهلیتده جزیره العربده درت نوع نکاح وارمش ، که بونلردن بیرینی مقاله مک بشنچی پارچه سنده سویله مشدم . بیردیگری ده : برقادین بر قاج ار ککله کوریشیر ؛ هانکیسندن حامل قالدیغنی کنیدیسی ده بیلمزکن دوغوردینی وقت آنلرک هپسینی نزدینه دعوت ایدر ؛ امتناع ممکن دکل ! هپسی کلیر ؛ جانی هانکیسینی ایسترسه بدبخت نوزادی آنک قوجاغنه آنار ؛ «باباسی سنسک ؟! » دیر .

اسلامیتک ، انوار علویتله یوغورلمش اولان خیر ماهیتده بر قاج دامله ده معنای غیرت واردر . بوحقیقتک برهان میننی : « الغيرة من الايمان »

— جامع صغیر —

حدیث شریفدر . (غیرت) انسانک حقوق مشروعه ی اوزرینه تیزده می ، غیرک تجاوزینه قارشى سراپا بر آنشپاره غضب کسبله رک حفظ حقوق اوغرنده موتک اوزرینه یورومسی دیمکدر . انسانى بوتون حقوق طبیعیه ومدنیة مشروعه سیلایشاتان ایشته بو آتشین غیرت ؛ بوروح حیثدر . بومعنی ایله مفسر اولان غیرتک اشدتلیسی زوجین بینده حکمفرمادر . بوکا تورکجه ده « قیصقانچلیق » دینیر . قادینک قیصقانچلیق پک یماندر . حریم ازدواجنه صوقولمق ایسته یین رقیبه سی اوزرینه برصاعقه موت آفریندر .

« اغیر من احمی ! »

ضرب مثلی عربلر قادینک بو افراط قیصقانچلغندن کنایه ایراد ایدرلر .

امام بخارینک ؛ کتاب النکاحده نقل ایتدیکی شو « برکون حضور جلیل جناب رسالتناه اعظمیده (علیه الصلاة والسلام) سادات انصاردن سعد بن عبادہ (رضی الله عنه اجمعهم) سوق مناسبتله : بیر ناحرمی زوجه ماله کورسهم در حال تولدیریریم ؛ دیمسنه حضار اصحاب متحیر اولیر ؛ علیه الصلاة والسلام ایدیمز بویوریرلر ، که : نه او ...؟ سعدک غیرتنه آمیجیمی ایدیورسکمز ؟ بن ؛ سعددن غیرتلی یم . الله ده بندن غیوردر . »

حدیث غیرتک نه دیمک اولدیغنی بیزه وضوح تامیله ا کلاتیر . جنساب سلطان الانیانک حضور هایوننده « تولدیریریم ... ! » دیمک — حقیر اولسه — نه بویوک کستاخا قدر ! حضار اصحابک حیرتی توکلیمی ؟ ناحرم قادینله همبزم خلوت اولمق جنایتی نه درجه عفو محال ایش ، که لسان جلیل شریعت « تولدیریریم ! » ک قاتانی توبیخ دکل بالعکس تشجیع ایدیور . فواحشدن منع وزجرده کنیدیلرینک دهها غیرتلی ، جناب حقک ایسه کنیدیلرندن دهها غیرتلی اولدیغنی خبر ویریور .

غیرت حق بر مثل کندم بود
که خرمن غیرت مردم بود

اصل غیرتها بدانید از آله
آن خلقان فرع حق بی اشتباه
— مشوی شریف —

مخدراتمک موقع اجتماعیلرندن ، حقوقلرندن ، سویه عرفانلرندن یانه یاقیله بحث ایدنلر یامتیریندر یا دکلدر . دکل ایسه لر قبول ایتدکلری بر دینه ، بر شریعتہ معتقد وتابع اولان نسوان اسلامدن بحثه آنلر نامنه سوز سویلمکه هیچده حقاری یوق ! کوریورلر ، که مسلمانلر اوروپا آداب اجتماعیه وعادات مدنیة سندن صوک درجه متفکر ! خاطرلرینه کتیردیگجه عادتا معدله لری بولانیور !

ادبلی ده ، عادتلری ده ، نزا کتلی ده هپسی ده کنیدیلرینک اولسون ! اونلر کی انسان اولمه دن حیوان قالمق بیک قات اهورندر ! بیز اوروپا نك یالکمز بر شیئہ احتیاجیزی — مع الحجاب — اعترافده

مضطرب : مدنیت فنیه ، صناعیه واقتصادیه سنه ...! ایشته بوقدر ! یوق اگر متدین و متشرع ایسه لر کنیدیلرینی دراغوش ایدرک جنساب قرآن حکیمی ، مخدراتمک موقع اجتماعیلرینی ؛ دثرا مدار اطرافتی سر ابرده عفت وعصمتله قوشاتان آیت جلیله یی کوستریریز . مادامکه متدیندرلر ، البته کتاب اللهدن باشقا بر سلطان ؛ بر حاکم . بر فصل الخطاب طانیازلر .

جناب حق :

فان تنازعتم فی شئی فردوه الی الله والرسول

— سورة جلیله نسا —

[دین ودنیا کزده عائد هر هانکی بر امرده تنازع واختلاف ایدر — سه کز آنی کتاب الله وسنت رسول الله عرض ایدیکز !] بویوریر . قرآن حکیمی وسنت سنیه یی بحق آکلایانلر حمد اولسون یوق دکل . عالم اسلامی احیا ایده جک ایچلرنده نه آتشین ذکای فضیلتلر وار ! انلر بیر یره طویلا نوبده قلمی اللربنه آلسه لر بیزدن بختیار بر ملت تصور اولونه باز .

مخدراتمک موقع اجتماعیلرینه شو :

ولا تکل لهما اف ولا تهرها

وقل لهما قولاً کریماً .

واخفض لهما جناح الذل من الرحمة

— سورة جلیله اسری —

کبی آیات جلیله دن فضله شرف بخش ایده جک — اوروپا عقلاسی ده .. ایشته سویله سینلر ! .. برشی کوستره بیلیرلرمی ؟ [ابوینکزه اف ...! دیمیکز ! یوزلرینه جنکیرمک کبی قدر ابوتلرینی تقیص ایده جک ، تربیه سزلکده بولونمیکز ! اونلره طاتلی ، روح فزا سوز سویلیکمز !

ارنلره مقتضای بنوتکمز اولان کال شفقت و محبتکزدن جناح ذل وتواضعکزی یاییکمز !]

« الجنة تحت اقدام الامهات »

— جامع صغیر —

[جنت؛ والدہ لک آياقلى آ لندہ .] خبر علويں سندہ کى ستايش محمدیہ ایلہ آنالریمز نہ قدر فخر ایتسہ لرینہ آذر . قانون اسلامیتہ مسلمان قادینتک موقع اجتماعیسی او قدر مأمون ، حقوقی او قدر محفو- ظدر ، کہ بوکا نسوان عالم غبطہ لر ایتسہ سزادر .

سویہ عرفان بحثہ کلنجہ بوکا ماضیتہ کی حیات دینزلہ قرون ثلاثہ وانی تعقیب ایدن اعصارک ہر بیرندہ یتشمش اولان یوز بیکلر جہ حافظات ، محدثات ، عارفات ، شاعرات ایلہ استشہاد ایدریز .

طقوزنجی عصرک مدار افتخاری اطلاقنہ شایان اولان امام جلال- الدین سیوطینک علم جلیل حدیثدن اجازہ الدینی محدثاتک عددی اوتوزہ بالغ اولیور . اوہر عصرک ادبیہ لری ، شاعرہ لری صایلمقلہ یتیمز توکنمز (رحمن الله) .

بیزایسہ شمدی قیزلریمزہ فرانسزجہ اوقوتیوریز . واه . . . ! واه واه . . . ! پکی بونی ٹوکر نوبدہ نہ پایہ جقلر؟ خارجیہ مأموریتلری بی درعہدہ ایدہ جکلر؟ یوقسہ سفارت خدمتلیرنہ کی کوندریاہ جکلر؟ بو، افراط پرستلکک ہمہدہ جنت درجہ سی دکلسہ نہدر؟

بیز؛ لسان ٹوکر نیمہ دمہ یورم . ٹوکر نہلم ! ہمہدہ یالکیز فرانسز- جہیہ حصر ایتیمہ ، مادامکہ اوزاقدن یقیندن بوتون اقوام مدنیہ ایلہ اختلاط ایدیوریز، ہینک لسانی ٹوکر نمکہ چالیشہلم . فقط بیزم یادیغمز کبی دکل ؛ اوروپا یا تختلرندہ کی السنہ شرقیہ مکاتبہ مقابل بیزدہ « السنہ اجنبیہ » مکتبی تأسیس ایدہلم اک ذکی اولادلریمزدن لزومی قدرینی کوندردہلم . کندی لسانک اک بسیط قواعدینی ادرا کدن عاجز اولان یچارہ چو جقلرک بیردہ ہیچ ا کلامدیقلری و اکلامق قابلیتندن پک اوزاق بولوندیقلری فرانسزجہ زواللی پی دہا ایکنجی سال تدریسندہ قاپی دیشاری ایدیور . بلکہ مکتب رشیدیہ تحصیلی یتیرہ جک ، اسمنی یازاجق قدر برشی ٹوکر نہ حکدی . یازیق دکل؟

ہلہ قیزلریمزہ ٹوکر تمک پک غریب . . . ! اوروپا مدیتی بیزی اولانجہ شدت و وحشتیلہ تحقیر ایدیور بیز بوندن ذرہ قدر منفعل اولق شویلہ دورسون او حقارتلری التفات مقامندہ تلقی ایدیوریز ! واعمری ان هذا لى الفعالم بدیع ! کتاب اللہ التجا ایدہلم کتاب اللہ . . . !

بیزم ایچین نجات ، حیا ، سلامت ، سعادت ، ہنسی ، ہنسی اکا التجادہدر .

جناب قرآن حکیمک : « و لا ینفعکم نصی ان اردت ان النصح لکم ان کان اللہ یرید ان ینویکم ہور بکم والیہ ترجعون ! »

[سزہ- ای قوم نوحی تنظیر ایدن قلبسزلر ، روحسزلر! - بوتون صفوت و صمیمیتلہ نہ قدر نصیحت ایتدم ، نہ قدر طریق حق و حقیقتہ ادخالہ چالیشد مسہ فائدہ بخش اولدی . مکر جناب حق سزک ازغینلککک جزاسی اولہرق طوفان فلاکتلہ محکوم ایتمش ایسہ اوکا نہ دینہ بیلیر . اوزات اجل و اعلا سزک ربکزدرد ، مرجعہ کزدہ اودر !]

صوک خطاب نومیدینہ مخاطب اولان زمردہ ہالکیندن اولیمہ .

فستد کرون ما قول لکم وافوض امری الی اللہ

ان اللہ بصیر بالعباد !

ختم .

محمد فخر الدین

شرف انسان

— ۱ —

قدرت قاہرہ صمدانیہ نک عظمتی تمثیلدہ مخلوقات سائرہ پی پک کریدہ براقتش اولان نوع انسانک شرف و مکرمیتی ، ادلہ و براہین ایلہ اثباتنہ حاجت قالمایان . قایق ضروریہ صرہ سنہ کچمش و شمدی بہ قدر میدانہ کلن و کلکدہ اولان آثار متنوعہ بشر ، انسانرہ من عند اللہ بخش و احسان بیوریلان علو قدر و منزلتک ، بشقہ مخلوقاتدہ اولمادیغنی مرتبہ و وضوحہ کتیر مشدر .

ارباب فکر و ادعان ، ارباب علم و عرفان نذراندہ بدیہیاتدن اولان « انسان شریف و مکرمدر » قضیہ سی عموم افراد بشر طرفلر- ندن دخی قبول و تصدیق ایدلمکدہ ایسہدہ اسباب شرف و علویت اکثر ناس جانبلرندن تدقیق و ملاحظہ ایدلمکدہ و بونلرہ دائرہ معلو- مات و آنک اوزرینہ لازم کلن سہی و حرکات کسب و تعقیب اولونما- مقدهدر .

ہلہ بالخاصہ اہل اسلام بو بابدہ زیادہ تہاون و تراخی کوسترمکہ مادی و معنوی ، دنیوی و اخروی ضررلر کوسترمکدہ و مضرات جدیدہ پی احفاد و انسال آتیہ ترکلہ ساری و متعدی قنالقلر بلکہ جنایتلر ارتکاب ایلہ مکدہدر .

دوشونمیرک التزام ایتمکدہ اولدیغمز قباحتلرک بمضیلرینی دیگر مقالہدہ ذکر و تعداد ایدہ جکیز .

قواعد فطریہ و طبیعیہ دندرک ہر کس ہر درلو حقایق منفرداً تحصیل ایلہ دفع مضرت ایدمز ؛ بلکہ کافہ اقوام و جماعتدہ رہبر و مرشدلر ، عارف و عالملر یتیشہرک منسوب اولدقلری ملل و اقوامک وبالواسطہ جمعیت بشریہ نک سعادت سیبانی ارائہ و احضار و خاقی او اسبابہ تشبث ایچون تشویق و انذار ایدرلر . بو سایہدہ بیلیمینلر ؛ بیلنلرک علم و عرفاندن ، وعظ و ارشادندن مستفید اولہرق کلیت و یا اکثریتلہ طریق نافع و صوابہ سالک اولورلر .

علمای اسلامیہ ، عرفای احکام قرآنیہ آیات جلیلہ و تفاسیردہ کوریورلرکہ انسان دینان مخلوق ممتاز خایمہ اللہ فی لارض رتبہ رفیعہ سنہ نائل و « جعانا کم خلائف فی الارض » نظم جلیلی موجبنجہ خلافت مذکورہ حضرت آدم علیہ السلام ایلہ اولادینہ شاملدر .

یردہ و کوکدہ موجود جمیع کائناتک نوع مکرم بشرہ مطیع و منقاد اولملاری و منافع انسانیہ پی خادم صورندہ ایقای وظیفہ پی دولملری آیات قرآنیہ پی تأیید ایدن شواہد مادہ بدن معدوددر .